

Custódi me a láqueo, quem statuérunt mihi: \* et a scándalis operántium iniquitátem.

Cadent in retiáculo ejus peccatóres : \* singuláriter sum ego donec tránseam.

Psalmus 141.

VOCE mea ad Dóminum clamávi : \* voce mea ad Dóminum deprecátus sum :

Effúndo in conspéctu ejus oratióem meam, \* et tribulatióem meam ante ipsum pronúntio.

In deficiéndo ex me spírítum meum, \* et tu cognovísti sémitas meas.

In via hac, qua ambulábam, \* abscondérunt láqueum mihi.

Considerábam ad dextéram, et vidébam : \* et non erat qui cognósceret me.


Périit fuga a me, \* et non est qui requírat ánimam meam.

Clamávi ad te Dómine, \* dixi : Tu es spes mea, pórtio mea in terra vivéntium.


Inténde ad deprecatióem meam : \* quia humiliátus sum nimis.

Libera me a persecúntibus me : \* quia confortáti sunt super me.

Educ de custódia ánimam meam ad confiténdum nómini tuo : \* me exspéctant justí, donec retríbuas mihi.



Ant. CA-LICEM salu-tá-ris accípi-am : et nomen Dómini



invo-cábo.

Capitulum.

Philipp. 2.

**F**RATRES, Hoc enim sentíte in vobis quod et in Christo Jesu : quí, cum in forma Dei esset, non rapínam arbitrátus est esse se æquálem Deo ꝫ sed semetípsum exinanívit, formam servi accípiens, in similitúdinem hóminum factus, et hábitu invéntus ut homo : humiliávit semetípsum factus obédiens usque ad mortem, mortem autem crucis.